

Last updated on the 21st February 2011

ENVAIRONMEN NA SOSOL MENESMEN WOK (ESMF)

PNG ENEJI SEKTA DIVELOPMEN PROJEK (ESDP)

1. PNG Eneji Sekta Diverlopmen Projek (ESDP), em blong givim teknikal sapot i go long ol man na meri long luksave long gutpela na hevi bai kamap sapos ol invesmen wok olsem Naoro Brown hydro pawa project igo het long PNG.

Aninit long ESDP, em bai karamapim ol manmeri husat oli nogat gutpela pawa saplai, we ol bai inap lo baim long liklik prais na tu em bai strongim polisi enviromen blong rurol na rinuabol eneji na halivim long wok rere blong redim ol rot blong rurol pawa saplai igo long ol manmeri long ples we igat wok projek i kamap long en.

ESDP i lukluk tu long sapotim diverlopmen we inap long moni mak bilong yumi long wokim na we bai givim gutpela pawa saplai lo Port Moresby. Taim wok projek olsem Naoro Brown i kamap em bai halivim long daunim ol hevi world promotim Low carbon growth rurol pawa plen.

1. LIKLIK TOKTOK LONG PROJEK

3. PNG Eneji Sekta Diverlopmen Projek (ESDP) bai givim moni blong karim aut dispela teknikal halivim long ol man na meri. Dispela moni em ino blong karim aut wok bilong pawa saplai stret.

Dispela projek bai i gat tupela hap.

4. Hap 1: Lo na Policy Diverlopmen blong Rinuabol Eneji na Rurol Pawa Saplai

Dipatmen bilong Petroleum na Eneji aninit long Eneji divisan bai karim aut dispela ol wok we ol bai lukluk mo long policy diverlopmen, lo na kamapim gutpela diverlopmen plan blong biae taim na tu blong strongim wok bilong ol.

Aninit long dispela wok Eneji Dipatmen bai kamap wantaim ol dispela polisi o lo;

1. Eneji Policy Diverlopmen

- Lo bilong lukautim ol rot bilong kisim pawa saplai long rinuabol eneji o long ol samting olsem wara, win, solwara na ol narapela samting long graun
- Lo bilong rurol pawa saplai i go long ol ples manmeri o ol asples.

2. Lo na long taim Plen blong ol Diverlopmen

- Lukluk na wok painim long ol ples na laip bilong ol pipol long hap bilong ol rinuabol risos long kisim pawa saplai i go long ol as ples.
- Aninit long dispela rurol pawa saplai long taim plen em bai halivim gavman long luksave long ol rot blong bihainim long pulim ol praivet kampani insait long pawa industri

3. Wok bilong strongim Gavman

Long dispela teknikal sapot Wol Benk bai karim aut ol training or wok rere blong ol wokman bilong Dipatmen bilong Petroleum na Eneji na ol narapela gavamen dipatmen long ol wok ol bai wokim na soim ol long ol wei long karim aut ol wok blong ol taem wampela kampani i diverlopmen Naoro Brown Hydro Projek na ol narapela hydro pawa projek long bihain lo kantri.

HAP 2: Wok rere na Plening blong Port Moresby Hydro Power Supply

Long dispela teknikal sapot, igat tupela hap we PNG Power bai lukluk long en. Nambawan hap bai PNG Power i lukluk mo long ol wok lo wokim blong redim na plenim diverlopmen blong Naoro Brown hydro pawa projek long saplaim Port Morseby aninit long praivet sekta. Namba tu

Last updated on the 21st February 2011

hap, PNG Power bai lukluk mo long kamapim ol gutpela plen na kamapim gutpela wei long operaitim hydro pawa saplai blong Port Moresby.

- 2.i: Wok Rere long Naoro Brown Projek long Saplaim Port Moresby.

Gavman bilong PNG na PNG Power i lukluk long kamapim niupela hydro pawa we bai gat liklik prais long developim long saplaim Port Moresby kwik taim. PNG Power i bin kisim ol saveman o konsaltan long ovasis long karim aut wok painim long Naoro Brown hydro pawa projek long saplaim Port Moresby. Long ripot blong ol saveman o konsaltan ol i painim aut olsem Naoro Brown hydro pawa projek inap saplaim Port Moresby wantaim 80 Megawat. Wol Benk aninit long dispela teknikol sapot bai halivim PPL long kisim wanpela saveman ol i kolim trenseksan advaisa, long halivim PNG Power long luksave gut long ol gutpela and hevi aninit long praivet sekta bihainim tingting blong gavman, wok painim aut long graun pastaim long wok bilong digim graun bilong dam bai i kamap, lukluk long laip bilong ol pipol na rot long sindaunim ol long narapela hap, toktok bilong wok bilong dem long holim wara na ol hevi bai kamap long ples, na wok bilong ol narapela saveman long mekim wok bilong toksave long ol pipol insait long ol komuniti na ples.

- 2.ii: Kamapim gutpela plen na wei blong ronim hydro pawa saplai long Port Moresby siti.

Dispela wok em long luksave long narapela hydro pawa projek long saplaim Port Moresby. PNG Power bai kisim ol saveman ken long karim aut wok pain aut long Brown wara hap, Vanapa wara hap na Angabanga wara hap.

2. ENVIRONMEN NA LAIP BILONG OL PIPOL LONG PNG ENEJI SECTA DEVELOPMEN PROJEK

OL NAMBA WAN TOKTOK LONG LUKLUK LONG EN

6. Toktok long Environmen:

Naoro Brown hydro pawa projek bai nonap kamapim planti bagarap long ples. Bai igat sampela bagarap long ples long taim blong wokim kamap Naoro Brown projek, taim blong ronim na wok lukautim projek. Ol hap we bai gat hevi bikos long projek em ol ples istap antap long dam, dam sait, hap blong ronim paip long karim wara igo long pawa haus, ples blong wokim pawa haus, long Naoro wara bihaen long dam we wara bai go daun bikos long dam antap lon Midilogo na long hap blong wokim rot na pawa line igo long Port Moresby na igo long ol ples long projek saet. Sampela ol narapela hap we wok bai kamap long en, em kemp bilong ol wokman i silip long en, hap bilong kisim ston, hap bilong putim ol meteriel o samting bilong karim aut wok, na hap bilong putim ol graun we ol i digim aut long mekim wok. Kampani bai stretim ol sait bilong maunten na strongim gut na wokim baret long wara i ron long en. Kampani bai sekim wara olgeta taim long lukim sapos wara i stap gut.

7. Samting bilong tumbuna:

Wok painim aut i soim olsem i nogat wanpela hap we ol kastom o samting bilong tumbuna i stap aninit o antap long graun long Naoro Brown Projek eria. Sampela kain samting bilong tumbuna i stap long Sogeri Veli na long Laloki olsem na kampani bai lukluk gut long taim em i karim aut wok nogut em i digim kam antap sampela olupela samting bilong ol tumbuna long bipo. Kampani bai kamapim sampela rot long bihainim sapos ol i painim sampela hap o samting bilong ol tumbuna bilong ol pipol insait long projek eria.

8. Toktok long laip na pasin bilong ol pipol:

Last updated on the 21st February 2011

Bai i no gat bikpela bagarap o senis i kamap long laip bilong ol pipol sapos ol laen i developim Naoro Brown projek i bihaenim gut ol lo. Bai i gat toktok long graun long hap bilong wokim dem bilong holim wara, power haus, ol rot, na hap bilong power lain long ron, kemp bilong ol wokman, hap bilong digim graun na hap bilong tromoi ol graun we ol i digim. Long nao yet ol pipol i no inap lusim ples bilong ol i stap long en tasol bihain taim teknikal disain o plen i kamap bai ol i luksave sapos ol bai i muvim ol lain long hap ol i stap long en. Sampela wok bai kamap long stopim graun long bruk long ol maunten na dispela inap long slowim wok bilong timba long Naoro Brown eria. Madilogo ples i stap klostu long hap ol bai wokim dem long en, na Ebologo na Naoro ples i stap klostu long hap bilong resevo o ples bilong holim wara bipo long em i go insait long pawa stesin.

9. *Ol pipol insait long projek eria – Maunten Koiari –*

I gat fopela samting em makim ol dispela lain. Nambawan em ol yet i luksave long ol yet olsem ol bilong dispela hap, namba tu em ol i save long graun bus, wara, na hap bilong ol tumbuna bilong ol, namba tri em ol i gat wankain pasin tumbuna na namba fo em ol i gat wanpela tokples.

10. *Toktok bilong graun:*

Bai i gat toktok long stretim rot bilong kampani i kisim graun, wara na bus bilong dispela Naoro Brown projek. Toktok bai i stat namel long PNG Power na ol papa graun na bihaen wantaim kampani husat bai karim aut wok bai i stap namel long dispela toktok tu.

11. *Nambawan toktok bilong wok long tripela wara, Brown, Vanapa na Angabanga na wok redi bilong narapela niupela hydro pawa projek bilong Port Moresby:*

Wok bilong dispela narapela niupela pawa projek bai karamapim teknikal, enviromen na sosol o laip bilong ol pipol bipo yumi ken luksave long niupela hydro pawa projek blong Port Moresby.

12. *Nambawan toktok bilong lo bilong kamapim pawa saplai:*

Wok bilong kisim pawa long ol rinuabol risoses olsem wara, win, solwara bilong kamapim pawa na rurol pawa saplai polisi i ken kamapim bagarap long ples tu. Long displa as bai i gat wanpela wok painim aut i kamap long lukluk long ol dispela kain bagarap na putim insait long dispela tupela lo.

3. ROT BILONG WOK NA OL SAMTING BILONG REDIM BIPO LONG TAIM WOK BAI KAMAP

Ol wok painim na samting bilong redim bipo long taim bilong wok long Naoro Brown Projek.

13. Ol Wol Benk Polisi we bai kampani i mas bihainim long kamapim Naoro Brown Pawa Projek em:

- Wok painim aut bilong environmen
- Ol samting i gat laip olsem ol enimol, bus na wara i stap insait long projek eria
- Ol pipol insait long projek eria
- Wok bilong risetolmen o Muvim ol lain long asples bilong ol i go narapela hap long stap
- Seifti o Lukaut bilong dem

14. Ol Pepa bilong lukautim ol dispela wok:

- Wok painim bilong ples na pasin bilong ol pipol long Naoro Brown
- Rot bilong lukautim environmen o ples long Naoro Brown
- Ol samting blong toksave long Naoro Brown projek na plen blong karim aut ol toksave.
- Lo billong muvim ol pipol i go long nupela ples lo taim blong developim Naoro Brown projek
- Rot bilong bihainim long muvim ol pipol i go long nupela ples
- Plen bilong seifti o lukaut bilong Dam

15. Sampela wok painim aut bai i kamap pastaim long ol dispela pepa bai kamap.

Ol sampela Wok Painim aut

16. Dispela i toksave long sampela wok painim aut na plens long redim long taim blong katim aut dispela PNG eneji sekta developmen projek long sapotim ol wok rere long Naoro Brown hydro projek:

- (i) PNG Power bai karim aut wanpela moa wok painim aut long wanem kain bagarap i ken kamap long ples na laip na pasin bilong ol pipol taim Naoro Brown projek i kamap. Dispela wok bai kamap long mun Septemba 2011. PNG Power bai givim dispela wok painim i go long kampani bai developim Naoro Brown projek.
- (ii) PNG Power bai karim aut narapela wok painim long mun Julai 2011 long putim i go insait long Polisi bilong risetolmen o muvim ol pipol i go long nupela ples. Dispela ripot bai i go insait long Environmen ripot tu.
Las wok wantaim ol pipol long projek eria em bai painim aut long wanem kain bagarap i kamap long envaironmen o ples bilong ol na sapos sindaun bilong ol bai i bagarap tu.
Dispela wok painim aut bai kamap taim kampani bilong karim aut projek i redim ol desain na plen bilong Naoro Brown pawa saplai. Bai i gat sampela rot i kamap long ol pipol i ken bihainim long putim ol komplem bilong ol i go long kampani.
- (iii) Naoro Brown Environmen na laip wok painim wantaim rot bilong lukautim environment. Dispela wok bai kamap bihain long PNG Power i makim wanpela kampani long karim aut dispela projek bilong Naoro Brown Pawa saplai. Dispela kampani bai karim aut dispela wok painim aut. As tingting bilong dispela stadi em long painim aut wanem kain bagarap i kamap long ples na laip bilong ol pipol, na painim rot bilong halivim ol pipol.

Environmen Wok Painim:

Nambawan wok bilong dispela wok painim em long stretim wanpela polisi o lo na rot bilong bihainim long dispela lo. Dispela stadi bai karamapim hap bilong Naoro Brown we projek bai i stap long en na wanem kain senis dispela projek inap kamapim long ol pipol. Toktok bai kamap namel long kampani wantaim ol pipol, na ol NGO grup husat i gat toktok long mekim.

Stadi long Laip bilong ol Pipol:

Dispela wok bai karamapim stadi bilong ol pipol insait long wanwan famili long projek eria na graun bilong ol. Bai i gat toksave o awenes kempein i go aut long pipol tu long dispela projek.

Bihain long dispela stadi bai kampani i kamap wantaim rot bilong baim kompensasen bilong graun na wara em bai usim long kamapim pawa saplai. Bai i gat ol Agrimen kamap namel long ol pipol na kampani.

(iv) Naoro Brown Risetolmen Plen:

Kampani husat bai karim aut wok bilong pawa saplai bai i go pas long wok bilong resetolmen o muvim ol pipol i go long narapela hap graun long sindaun. Dispela wok bai kamap bihain long PNG Power i makim kampani husat bai karim aut dispela projek.

As tingting bilong dispela wok em long plenin rot bilong kisim graun bilong kamapim dispela projek na painim narapela ples bilong muvim ol pipol i go long en. Dispela wok i mas kamap bihainim lo bilong Papua Niugini na Wol Benk tu.

Kampani bai toktok wantaim ol papa graun na ol i mas i gat wanbel namel long ol na kampani, PNG Power na Gavman bilong Papua Niugini. Wok bilong risetolmen bai kamap bihain long kampani i baim olgeta kompensesen bilong graun na ol narapela moni bilong ol samting we bai inap bagarap taim projek i kamap. Kampani bai baim olgeta kompensesen pastaim long em i statim wok long projek. Bai i gat toktok namel long ol papa graun na kampani pastaim na wanbel i mas kamap pastaim long projek i ken stat.

(v) Naoro Brown Dem Sefti Plen

Last updated on the 21st February 2011

Kampani husat bai karim aut wok long Naoro Brown Pawa projek bai karim aut dispela wok long putim wanpela plen bilong lukaut bilong Dem we ol bai wokim long holim wara bilong mekim pawa.

Dispela wok bai karamapim wok bilong stretim plen bilong wok bilong wokim dem, rot bilong lukautim wok bilong dem na rot bilong bihainim sapos sampela bikpela hevi o emegensi i kamap long dem. Dispela wok bai karamapim wok bilong makim wanem kampani bai karim aut wok bilong dem tu.

Ol Saveman bilong Dem

PNG Power bai makim wanpela kampani husat i gat ol saveman long wok bilong dem long sekim disain o plen bilong dem bipo kampani i stat wok long en. Dispela ol saveman bai i mas sekim wok long dem olgeta taim inap long dispela wok i pinis na ol i pulmapim dem wantaim wara.

Ol Saveman bilong Laip na Environmen

Projek kampani bai makim wanpela kampani i gat ol saveman long wok bilong sosol o laip na environmen long putim olgeta wok painim aut long laip bilong ol pipol na ples bilong ol sapos i gat senis na wanem kain rot kampani i ken kisim long lukautim ol dispela ol senis.

Ol narapela stadi long redi long ol narapela PNG Eneji Sekta Projek

17. Wanpela stadi wankain olsem bilong Naoro Brown bai i kamap long karamapim ol wankain pawa saplai projek insait long kantri. Stadi bai lukluk long kamapim husat tru bai lukautim ol dispela kain pawa saplai projek na ol lo bilong ol kampani i ken wok aninit long en.

4. ROT BILONG BIHAINIM LONG KAMAPIM POLISI O LO BILONG POWER SEKTA PROJEK

18. Long taim bilong ol projek we Wol Benk i givim moni long wokim, bai i gat ol polisi o lo long lukautim ol dispela kain projek bihainim lo bilong Papua Niugini gavman na Wol benk. Ol projek we i nogat halivim i kam long Wol benk bai ino inap bihainim lo bilong Wol Benk. Naoro Brown Pawa Saplai i kisim halivim long Wol Benk olsem na em bai bihainim lo bilong Wol Benk na Papua Niugini. Ol narapela wok long Naoro Brown Projek maski i nogat moni i kam long Wol Benk em bai i mas bihainim lo bilong Wol Benk tu.

5. WOK BILONG WOL BENK INSAIT LONG PAPUA NIUGINI NA WANEM KAIN OL LO BILONG KANTRI NA GAVMAN DIPATMEN LONG KAMAPIM WOK BILONG ENVIRONMEN, SOSOL MAK

19. Wok ol Gavman dipatmens bai wokim

- Dipatmen blong Petroleum na Eneji (DPE) bai lukluk lo ol polisi, long taem rot na plen long eneji sekta. DPE bai karim aut ol wok long Hap 1 blong PNG Eneji Sekta Developmen Projek.
- PPL em i kampani blong gavman na em bai karim aut ol wok long Hap 2 blong PNG Eneji Sekta Developmen Projek.
- Dipatmen blong Enviromen na Konsavasion bai lukluk and appruvim ESIA and EMP wantaem Naoro Brown projek.
- Wantaim sampela tingting bilong Naoro Brown Oversight Komiti, PNG Power bai kamap wantaim Terms of Reference o ol lo bilong bihainim long lukautim ol pipol bilong Naoro Brown wantaim environmen o ples bilong ol, Risetolmen eksen plen na Dem Seifti o lukaut plen.

Sampela mo wok aninit long Naoro Brown hydro pawa projek blong pinisim.

20. Ol saveman o konsalten bilong PNG Power bai pinisim olgeta wok painim aut bilong ol long kirap bilong yia 2011. PNG Power bai lukautim olgeta wok bilong Naoro Brown Project wantaim wok bilong makim husat kampani bai wokim Naoro Brown Haidro pawa projek. Tasol Gavman bilong Papua Niugini bai i givim last tok orait long olgeta wok. Bambangi i gat wanpela Komiti bai kamap ol i

Last updated on the 21st February 2011

kolim long, Naoro Brown project Lukaut Komiti or long English, Naoro Brown Oversight Committee. PNG Power bai ripot i go long dispela Komiti olgeta taim bai Komiti i save stret wanem wok tru PNG Power i mekim o kamap long en.

21. PNG Power wantaim ol saveman bilong Wol Benk bai kamapim wanpela Sosol mep i soim we ol pipol i stap na ol pasin na laip bilong ol tu, risetolmen polisi na kamapim wanpela rot bilong toksave i ken go kam namel long ol pipol, PNG Power, na kampani husat i karim aut projek.

22. Wantaim sampela tingting bilong Naoro Brown Oversight Komiti, PNG Power bai kamap wantaim Terms of Reference o ol lo bilong bihainim long lukautim ol pipol bilong Naoro Brown wantaim envaironmen o ples bilong ol, Risetolmen eksen plen na Dem Seifti o lukaut plen.


23. Wol Benk bai givim moni long PNG Power long hairing ol saveman bilong fainens o lukautim moni, teknikal na ol loya na ol man bilong wok long dam. Nem bilong dispels grup bilong ol saveman em Trenseksen edvaisas.

24. Aninit long ai bilong dispela Trenseksen edvaisas na Naoro Brown Oversight Komiti, PNG Power bai makim wanpela kampani long karim aut dispela ol wok.

25. PNG Power bai bosim olgeta wok kamap long projek na wantaim ol as ples lain wantaim sapot i kam long ol saveman o konsalten.

26. Hap namba wan bilong dispela wok bilong Wol Benk projek em karamapim wok bilong Teknikol halivim long sait bilong Papua Niugini gavman i go long Dipatmen bilong Petroleum na Eneji, Dipatmen bilong Envaironmen na Konsevesen long karim aut wok na tu long Oversight Komiti.

27. Dispela piksa em soim olgeta wok rere blong Naoro Brown Projek inap long pinis blong ESDP.



Wok rere blong ol narapela PNG Eneji Sekta Developmen Projek

28. Wanpela plen bilong envaironmen na laip bilong ol pipol bai kamap long go insait long Polisi bilong Riniuabol eneji na rurol elektrifikesen polisi. Sampela wok painim aut em ol i wokim long Naoro Brown, Vanapa na Angabanga bai i stap insait long dispela polisi tu long halivim wok bilong ol narapela nupela pawa saplai. Sapos Wol Benk i givim moni long ol dispela nupela projek bai ol i mas bihainim ol lo bilong Wol Benk tu.

6. TOKTOK WANTAIM PABLIK LONG WOK BILONG KARIM AUT KOMUNIKESAN O WOK BILONG KARIM AUT TOKSAVE

29. Dispela wok i stat long Desemba 2010 na bai i go het yet. Wok bilong Riniuabol eneji na rurol elektrifikesen projek na polisi bilong ol bai mas i gat wok bung wantaim olgeta lain husat i gat toktok long mekim long ol nupela pawa projek. Wol Benk bai i givim moni bilong dispela wok.

Toktok wantaim pablik long rot bilong karim aut toksave bilong Naoro Brown projek

30. Long taim toktok bilong statim Naoro Brown pawa projek i kamap, PNG Power i wok long toktok wantaim ol lain long Madilogo ples we i stap klostu long hap bilong putim dem, long toksave long projek na kisim tingting bilong ol pipol long karim aut wok painim aut.

31. Long kirap bilong mun Desemba, 2010 ol konsalten husat i karim aut wok painim aut i givim nambawan ripot bilong ol i go long PNG Power long toksave long bikpela bilong dispela projek na tu i soim envaironmen na sosol sait bilong dispela projek. Lo mun Januari 2011 PNG Power i bin katim ol

Last updated on the 21st February 2011

toktok save long ol tripela ples i stap klostu long projek eria na we bai i gat sampela bagarap o senis i kamap long ples bilong ol long toktok long dispela projek. As tingting bilong i go bung wantaim ol lain long ol dispela ples em long toksave long wanem kain wok bai kamap aninit long dispela projek na long kisim tingting bilong ol tu.

32. Wok painim aut bai Priliminari Sosol lukluk bai stat long mun Julai, 2011 taim Wol Benk i givim tok orait long givim sampela moni long dispela wok. Wok painim aut bai karamapim wok bilong luksave long ol papa graun na wanem rot bilong halivim ol sapos sampela bagarap i kamap long graun bilong ol. Ripot kamap long dispela wok painim aut bai i go insait long plen bilong PNG Power long wok wantaim ol as ples lain. Aninit long halivim i kam long PNG Power, ol saveman long dispela wok bai wok wantaim PNG Power long karim aut dispela wok painim aut. Dispela wok painim aut bai kamap namel long ol pipol husat ples bilong ol bai projek i kamap long en na husat ol narapela i gat toktok long mekim.

33. PNG Power bai givim dispela ripot i go long kampani husat bai karim aut projek na ol bai kamap wantaim rot bilong karim aut toksave program bilong ol. Ripot bilong PNG Power na kampani bai mas i stap nambawan long lukluk long wanem rot long halivim sindaun bilong ol pipol long sait bilong ol liklik bisnis tu.

Ripot bilong projek kampani bai i mas karamapim ol dispela eria;


- (i) Ol toksave mas i go long ol man na meri tu long ol i ken save na mekim ol gutpela disisen long laip bilong ol. Ol dispela toktok bai kamap long wanwan ples bilong ol pipol na ol pipol wantaim ol maus lain bilong ol i mas wanbel pastaim long wok bai kirap.
- (ii) Bai i mas i gat rot na ol wokman i stap long karim aut ol dispela wok wantaim ol pipol taim projek i go het
- (iii) Ol lain long ol ples i mas wanbel long wok wantaim ol lain husat kampani i makim long karim aut wok bilong toksave na bilong harim toktok bilong ol.
- (iv) Bai mas i gat ol lain long raitim daun olgeta toktok namel ol ol lain long ples na kampani na holim rekot bilong ol toktok ol i pasim long wanem benefit o halivim i go long ol pipol.

Sherim Toktok

34. Olgeta Mak bilong wok aninit long Envaironmen Stadi, Risetolmen Polisi mak, Plen bilong wok bilong lukautim envaironmen, Plen bilong risetolmen, bai redi long kirap bilong yia 2011. Dispela olgeta toktok bai mas tanim i go long tok pisin ba isi long ol as ples lain i klia long en. Dispela toksave long Tok pisin bai mas i stap long wanpela hap insait long Port Moresby na long projek eria tu. Bai i gat wanpela hap bilong ol bung namel long ol asples lain na kampani bilong halivim ol lain husat i no save long rit na rait long i ken save long wanem kain wok i kamap long ples bilong ol.

7. TAIM BILONG OL BIKPELA WOK BAI KAMAP ANINIT LONG PNG ENEJI SEKTA DEVELOPMEN PROJEK

Last updated on the 21st February 2011



35. Piksa antap i makim o tok clear lo women time bai wanwan wok bai kamap long time long redim ol wok blong Naoro Brown projek where PNG Eneji sekta Dvelopmen Projek bai sapotim.

36. Wok long Riniuabol Eneji Polisi na Rurol Pawa Saplai Polisi bai stat long pinis blong yia 2011 na go het long wanpela yia. Long wankain tae mol long taem Envaironmen Plen na Lukluk lo gutpela ne nogut lo laip blong ol pipol blong ples bai go het. Rurol Pawa long taem Plen bai kamap bihaen long pinis long Rurol pawa Polisi

8. BASET BILONG KARIM AUT OL WOK BILONG HALIVIM PIPOL

37. Baset bilong ol dispela wok bai i kam long Gavman bilong PNG na PNG Power. Ol wok bilong envairomen, sosol na sefti bilong dem em bai kam long baset bilong kampani husat bai karim aut projek. Ol dispela baset bai i stap long ol pepa bilong makim ol kampani long wanem ol i mas putim dispela i go insait long baset bilong ol.

Moa toktok (Annex 1)

Strateji blong Komunikeisen na Konsalteisen wantaem ol Naoro Brown Projek Eria Indiginas Komuniti

Naoro Brown haidro pawa projek istap long het blong Naoro Brown ketsmen we i karamapim 274 skue kilomita long Kairuka –Hiri Distrik long Central Provins. Insait long distrik igat paip pela Wods long Koiari Rurolo Lokal Leval Gavman. Populeisan densiti blong Naoro Brown projek eria em i olsem paip pela man long wanpela skue kilomita wantaem ol haphap setolmen. Igat 14 pela ples long dispela eria we 13 em ol Maunten Koiari i stap long en. Igat ol Maunten Koiari tu istap long Edebu na plenty long ol ikam long ol ples istap autsait long ketsmen eria. Namba blong ol manmeri long projek sait em olsem 1,415 na narapela 8,737 manmeri i bin lusim ples pinis i go Port Moresby na i go long ol narapela ples. Ol ples long Naoro Brown ketsmen eria i save wok gaden long kaikai na sampela taem ol i kisim kaikai long wara olsem fish. As ting blong planti ol manmeri long lusim ples em long painim wok long kisim mani. Sampela i lusim ples long painim gutpela skul na hausik sevis. Tasol ol i stil save long ol graun blong na len raits blong ol.

Dvelopmen blong Naoro Brown haidro pawa projek bai nidim Wol Benk OP 4.10 Indijinas pipol bikos ol Maunten Koiari i serim ol fopela pasim we i luksave long indijinas pipol. Bikos graun, wara na ol narapela risos long Naoro Brown projek eria ol stap aninit long kastomari tenure areinsmen olgeta civil wok na eksas long usim wara bai gat agrimen long ol entaitolmen long kastomari len papagraun and setolmens wantaem pemisiv raits ganted igo long ol bipo. Blong usim dispela ap blong wokim haidro bai igat establismen long ol rot we bai soim rot blon free, prior na infom konsalteisen bai mas stat long pripareisen feis we bai mas kisim sapot blong olgeta komuti long Naoro Brown projek eria. Ol man long karim aut dispela wok em PPL na bihaen projek developa na ol manmeri long Naoro Brown projek eria olsem ol maunten Koiari we ol istap long het wara blong Naoro husat i papa graun, wara na ol narapela risos. Ol Maunten Koiari bai kisim bikpela benefit tru long dispela ol benefit dispela projek bai kamapim.

Tude igat liklik save tasol long spesifik socio – ekonomik na kaljarol kondisen long Naoro Brown projek eria, na bai gat sosol impek asesmen bai yumi karimaut long kamapim gutpela infomeisen we bai usim long (a) disainim Naoro Brown Infomeisen na Konsalteisen rot bai kam inlaen wantaem pripareisen, implimenteisen na opareisen blong Naoro Brown projek, (b) painim aut sosol impek na pipol impek, (c) developim len akuisisen na risetolmen polisi freim wok we bai leim auto principals blong menesmen blong len akuisisen impek na eksas long usim land na wara long Naoro Brown projek eria, na (d) developim ol risetolmen Eksen Plen long menesim len akuisisen we yumi bai nidim blong civil wok na risetolmen sapos igat.

Dispela go het yumi toktok long en antap em involvim (a) gutpela wok pain aut long establisim sapos bai gat indijinas pipol stap ong projek eria, (b) sosol asesmen, na (c) proses blong free, prior and gutpela konsalteisen long winim gutpela kominiti sapot long projek na entaitolmen blong kompenseisen na asisten long givim igo long ol pipol i kisim hevi long taem blong len akuisisen blong projek civil wok (na sapos ibin gat displeismen na risetolmen).

OP 4.10 (hap 12) itok olsem sapos planti indijinas pipol em ol bai kisim dairek benefit long projek, ol haphap blong indiginas pipol plen imas stap insait long projek disain na ino gat nid blong kamapi narapela plen. Naoro Brown projek ino nidim narapela plen na infomeisen na konsalteisenrot, we em i namel hap long disain blong WB fainens asisten blong pripareisen blong Naoro Brown haidropawa projek aninit long PNG Eneji sekta Dvelopen Projek.

Ol key hap hap blong Naoro Brown Infomeisen na konsalteisen strateji :

- 1 Rot blong bihainim long givim ol toktok save na konsalteisen long Naoro Brown projek long ol ples we bai gat hevi bai (i) ol man na meri i kisim gutpela toktok save long wok ol disisen blong ol, (ii) karim aut ol konsalteisen long projek eria (iii) ol narapela manmeri o grup i wanbel wantaem rot yumi bihainim (iv) risal long disisen we i mitim interes blong ol man meri long projek eria.
- 2 Institusienol plen na wokman long kontiniu long karim aut konsalteisen long taem blong wok rere, implimenteisen na opareisen.

Last updated on the 21st February 2011

- 3 Institusenol plens blong mekim tru ol bihainim ol agrimen
 - (i) Naoro Brown Projek na
 - (ii) Involvim komuniti
- 4 Institusenol plens long edresim komplein na koros namel namel long ol komuniti
- 5 Plen blong kamapim gutpela dokiumen
 - (i) gutpela recod long ol konsalteisen
 - (ii) lukluk long implimentim ol agrimen long entaitolmen na benefit, na
 - (iii) recod long menesmen na resolusen blong ol komplein

Ol Dispela Strateji blong komunikeisen na konsalteisen wantaem ol indijinas pipol istap nau long lok pisin na istap long PPL opis, DPE opis na long local infomeisen senta long Naoro Brown projek eria na tu Naoro Brown infomeisen na konsalteisen strateji na samari blong RAP sapos ol narapela sosol grups naol representitiv blong ol i wanbel. Dispela strateji bai igo long ol komuniti long Naoro brown projek eria, na dokiumenteisen long konsalteisen, entaitolmen na benefit, na menesmen na resolusen long ol komplein bai istap tu long tok pisin long ol komuniti long Naoro brown projek eria.